

光緒丁未十月上澣

鄒 土 志

知鄒縣事胡煒修


山東國文

報館石印



北
圖全與地縣鄉
南

本境計共三十五社



東西廣一百二十五里南
北袤七十五里每方十里

南

歷史

本境建置年代

鄒縣之名始於嬴秦廢於北齊趙宋時又省為鎮未幾復故歷金元明及今縣名不易然鄒城舊在繹山之陽故鄒縣亦稱鄒山晉郗鑿當建興末率其鄉人千餘家避賊繹山即舊治也見晉書郗鑿本傳至宋元嘉十三年始徙今治然今鄒縣雖沿鄒國之名而東北幅員實兼魯國昌平陬邑之地後儒因鄒音近陬多混而一之豈知古之陬邑並非古之鄒國今之鄒國已賅魯之陬地也耶

未置本境以前

唐虞夏商周所屬之州

唐虞夏商之時代均屬徐州爾雅濟東曰徐州是也顧炎武天下郡國利病書云今之兗州古之徐州也則凡岱山以南州縣今屬兗州者大

鄒縣鄉土志

一

半皆古徐州境鄒屬徐州無可疑議至周武王克商興滅繼絕封顓帝元孫陸終第五子之苗裔曹俠於邾為附庸國是為邾俠一作挾春秋戰國所屬之國

自邾俠傳十二世為儀父克見於春秋之初始進爵為子戰國之世穆公改邾為鄒聞孟子言知行仁政則鄒國在戰國時魯衛不敢輕齊楚不能脅亦小國之能強者凡傳世二十有九為楚所滅楚亡而地入於秦

秦漢以降歷代所屬郡縣及歷代所改州縣名

秦併六國罷侯置守分古徐州地為薛郡始置驕縣隸之兩漢改屬魯國莽曰驕亭三國屬魏晉泰始二年以魯國為魯郡鄒屬焉西晉之末兗州全境淪於石勒然按晉書郗鑿傳元帝假鑿兗州刺史鎮鄒山又明帝時石瞻攻陷晉兗州刺史檀斌於鄒山是時縣襲於郡為兗州刺



治云及太和元年復陷於燕七年復入於秦厥後陷復無常旋得旋失至義熙五年宋劉裕仕晉滅南燕即今青平河南徙兗州治於滑臺徐兗青冀之地乃盡復未幾晉禪於宋而天下遂分南北是時本境仍隸魯郡惟高齊省入平陽縣隋一土字而鄒之隸魯郡自若也至唐改兗州為泰寧軍五代因之宋熙寧二年併入仙源縣即今曲阜元豐七年復置鄒縣金置滕州割鄒屬之元及明初隸濟寧府洪武十八年封魯藩於兗州遂升為府改濟寧為州鄒縣之名如故今仍不改按輿地志鄒縣孟子列傳作闕至唐乃改鄒也

既置本境以後歷代所屬州縣秦改古鄒國置鄒縣當時隸薛郡歷漢魏兩晉南北朝隋唐五代宋金元明以迄於今縣名多如故然所屬則不同兩漢改屬魯國魏晉南北朝及隋皆隸魯郡唐屬河南道兗州魯郡五代隸兗州今鳥山有後唐

鄒縣鄉土志

二

伏羲廟碑稱徐州鄒縣則五代之鄒亦不盡屬兗也宋隸襲慶軍金屬泰定軍隸山東西路後隸徐州路尋改益都路元因之明屬兗州隸濟寧府後改濟寧為州鄒遂屬兗州府

國朝因之

政績錄

興利

漢

鄭 弘字巨君會稽山陰人也舉孝廉弘師同郡焦贛楚王英謀反發覺以疏引贛被收病亡於道妻子閉繫詔獄考掠連年諸生故人懼相及皆改易姓名以逃其禍弘獨髡頭負鐵鎖詣闕上章為贛訟罪顯宗覺悟赦其家屬弘躬送贛喪及其妻子還鄉里由是顯名拜鄒令勤行德化部人王逢等得路遺寶物懸於道求主還之魯國當春大旱鄒獨

致雨偏熟永平十五年蝗起泰山流被郡國過鄒境不集郡以狀聞遷
淮陰太守餘詳後漢
書本傳

宋

程 振本縣知縣提舉東路學事議建孟廟時祭以門人配之

朱 岳邵武人宣和三年任本縣知縣徙東郭孟廟於城南

元

張 顏字達善其先蜀之導江人蜀亡僑寓江左從金華王柏受業得
朱熹三傳之學遠近翕然從之大臣薦諸朝特命為孔顏孟三氏教授
鄒魯服誦遺訓久而弗忘顏氣宇端重音吐洪亮講說精詳子弟從之
者誦誥如也有經說文集行於世

顏 瑜字德潤顏子五十七代孫也以行誼舉鄒縣教諭至正十八年
田豐起山東瑜攜家走鄆道遇賊以刀恐曰爾何人瑜曰我東魯書生

也賊執瑜曰爾書生我不殺爾可從我見主帥瑜罵曰爾賊何主帥也
賊怒欲殺之瑜無懼色復使之寫旗瑜大詬曰爾大元百姓天下亂暮
而為兵而反為叛逆吾腕可斷豈能為爾寫旗從逆乎賊以槍刺瑜至
死罵不絕口妻子皆為賊害

明

桂 孟江西廣信人洪武二年令鄒廉靜寡欲廢政必舉民被其德

金曰鋪江南休寧孝廉嘉靖二十九年為鄒令萬民愛之立祠祀焉今
燬

章時鸞江南青陽舉人嘉靖四十一年令鄒邑民貧敝為置牛開荒種
樹積穀民以殷富官舍學宮多所修建朱司空開新河委鸞董工勞績
殊多去後吏民懷之與金並祠又立碑以紀其事後官至河南副使
馮中州字子京景州人歲貢萬曆三年任創築磚城鄒人至今賴之

許守恩陝西涇陽人萬曆八年以進士知縣事勸農節用誠心實政不事文飾號寬仁長者據舊志叙云志書其首輯也後擢為御史士民為之立碑與金章並祠稱三異云

國朝

周嗣昌字顯成河南新鄉進士順治十四年令鄒時兵燹甫定給牛種勸民墾荒設義學教民讀書編派地糧除里蠹積弊捐置先賢南宮適澹臺減明公孫丑萬章墓祭田又捐修孟廟邑人立碑思之

婁一均字秉軒浙江會稽縣貢生康熙四十八年令鄒勸農勤政寒暑勿稍懈決訟民無久候到即質成除里長以絕私派行滾單以便催科設義學修志書捐貲興工百廢俱舉在任十餘年以遷擢去

耿天九字鶴阜直隸阜城舉人同治八年令鄒下車即詢民疾苦整頓義學書院訓誨懇摯士氣蒸蒸在任四年臨民治事無遽色厲容民皆

鄒縣鄉土志

四

感服戴之如慈父母焉

去害

晉

郝鑿字道徽高平金鄉人少孤貧博覽經籍躬耕隴畝以儒雅著名惠帝反正參司空軍事累遷太子舍人中書侍郎及京師不守鑿歸鄉里於時所在飢荒州中之士咸相謂曰今天子播越中原無伯當歸仁德可以後亡遂只推鑿為主舉千餘家避寇於魯之嶧山元帝初鎮江左承制假鑿龍驤將軍兗州刺史鎮鄒山時徐龕石勒左右交侵日尋干戈百姓饑饉或掘菹鼠羅蟄燕而食終無叛者三年間眾至數萬帝就加護國將軍都督兗州諸軍事詳本

元

宋彰字顯之景州蓀縣人成宗時為縣尹勸農興學勤於撫字先是

鬻鹽計口取值民苦其費彰奏請蠲之去後民刻石頌德
司居敬字仲可恩州人至元末為鄒縣尹鄒租歲輸膠州民苦遠涉力
請更輸於滕民甚稱便嘗改泐學宮市學田五百畝新孟廟建中庸精
舍民深頌其德

明

朱 瑤福建龍溪人永樂七年以薦舉為鄒令公勤廉敏賦役均平六
年再考民詣闕奏留卒于官葬城北崗山之麓民懷其德歲時祭祀
王一楨江南青陽人萬曆二十三年以進士知縣事除積逋均徭役招
流移五千餘人墾荒田八百餘頃救荒有法凡饑民所鬻子女盡為贖
回又修縣志陞兵部主事邑人為之立祠

梁州彥河南固始進士萬曆二十九年知縣事政尚清靜和惠禁游惰
剔強橫節力役輕賦稅文案不留行召拜陝西道御史邑人立祠

鄒縣鄉土志

五

胡繼先四川漢州進士萬曆三十五年知縣事厚澤及人長才出眾美
政多端不朽者尤在丁歸一例地併中下官署學宮多所新建興文譜
藝脩輯志書利無不興害無不去去任十餘年士民猶不遠千里而問
候之望其重遊東土其得民心如此後陞兵部主事邑人建祠立碑
荀虞龍河南新安舉人萬曆四十年為鄒令寬宏簡重與民休息內精
明而外渾厚方之胡公彼為神君此為慈母陞蒲州太守邑人祀之
董應祥貴州青陽府龍里衛官籍江南滁州舉人天啟七年知縣事重
修邑志並建修衙舍而力擒匪首張明宇一役尤功德在民之卓卓者
鄒人立廟祀之詳見兵事錄

國朝

莫 傳廣西馬平縣舉人順治二年知縣事三年汶上流寇蔡乃慙率
賊百餘人冒稱過路官長突入鄒城坐堂皇悉縱獄囚執莫公恨其平

日捕賊甚嚴拷擊備楚因罵不絕口遂被賊刃脊屬盡羅其害

于進忠遼陽左衛人由貢士順治四年知縣事時山寇蜂聚進忠親率

家丁衛兵日夜剿捕身不釋甲斬獲無算復請大兵征撫寇氛漸滅萬

姓人安陞深州知州

朱承命直隸天津進士康熙初年吳逆蠢動大兵南征往來供億絡繹

不絕公為鄒令多方籌應民賴以安

黃得焜字中孚直隸南皮進士康熙十六年到任稽查隱地清賦額除

兼併定新墾一九分中之例

張國瑜字元玉陝西鄠縣舉人康熙十九年知縣事性嚴介重文學除

里老幫貼之弊復民壯守城之制時水旱頻仍各里逋賦至二十六百

兩有奇公罄家資賠解比戶感之供奉生位

田光復字幼乾山西高平進士康熙四十一年知縣事值歲凶流離載

鄒縣鄉土志

道奉檄發帑截留漕米確查貧民分別賑濟吏胥不得為奸全活甚眾

有掠奪富室糧者立置重典四境肅然

林士琦字亦韓安徽懷遠縣貢生咸豐五年知縣事邑素無考棚乃因

書院舊址而增修之士人稱便

今之高等小學堂即書院舊基也

旋以費境鹽梟肆擾

率役往擒其魁因調費再調勝於是白蓮教匪乘其去鄒潛相煽惑及

十年回任而其勢已張雖多方曉諭終不悟請於大府臨之以兵迨大

軍既至匪偽投誠又力陳其不可信 僧邱帥嘉其膽識俾佐軍諮後

以功擢曹州守逾年告歸僑寓於鄒未幾卒

聽訟

宋

黃庭堅字魯直洪州分寧進士為鄒令治尚平易吏不悅而民安之蘇

軾為侍從舉堅自代稱其瓌璋之文妙絕當世孝友之行追配古人其

重之如此詳見縣志

明

房 岳滑縣人宣德間知縣事政平訟理事舉民安考滿民詣闕保留在任二十餘年卒於官

張 泰直隸肅寧進士為鄒令政寬而敢折獄小過則赦大辟情真即正刑不留獄於時囹圄遂空直指使按曲阜獨鄒無錄直指口異之而心疑之按畢由鄒取道至滕則不遣傳突入縣署索棘門鑰公曰無鎖安得有鑰大人自往觀之至則棘門闢矣入視竟無一人於是直指始改容嘆服而公之政聲由是大起未幾以憂去民為立碑後擢御史官至山東布政使其軼事至今猶傳焉

劉彝鼎陝西綏德州進士初為朝城令天啟五年調繁至鄒精明果斷清廉正直庭無私謁案無留牘不任私人而事無不治甫二載陞戶部

鄒縣鄉土志

七

主政而去邑民建碑立祠

國朝

張文錦遼東寧遠衛人康熙六年令鄒廉介自持關防嚴密決訟明允雜項差徭皆自備不擾民

韓峯起字伯伏直隸鹽山舉人康熙二十七年令鄒性儉樸仁慈課農訓士折獄平允建平陽等橋修本境大路十年之間政平俗美年老告歸民謳思之

王爾鑑字在茲河南盧氏縣進士雍正五年令鄒有斷才多惠政嘗手一編靜坐堂皇民爭訟者即為訊斷有請業者為反復講解歲適大旱獨步嶧山祈雨在途跪拜觀者感泣俄頃雨集歲則大熟公餘之暇流覽山水於嶧山徧種桃花尤多題咏至今傳為美談猶有能道其軼事者

兵事錄

晉

懷帝永嘉之亂中書侍郎郝鑿將鄉曲千餘家避寇鄒之嶧山羣賊攻之不能下雖日尋干戈百姓飢饉至掘野鼠羅蟄燕以食終無叛志三年之間歸附者至數萬元帝嘉其功詔都督兗州諸軍事

東晉

明帝大寧三年石勒將石瞻攻兗州刺史檀斌於鄒山殺之

成帝咸和初年石瞻攻河南太守王瞻於邾拔之

安帝義熙四年南燕司馬叔璠等自蕃城寇鄒山魯郡太守徐邕失守劉鍾率軍討平之

宋

文帝元嘉二十七年魏主拓跋燾率大軍自東平趨鄒山禽魯郡太守

鄒縣鄉土志

八

崔邠利見秦丞相李斯嶧山石刻使人排而仆之遂引軍趨彭城

武帝孝建元年兗州刺史徐遺寶與南郡王義宣結連為逆垣護之自歷城引軍襲遺寶道經鄒山破其戍

金

金末有大名府僧智究者謀作亂潛結其黨會於嶧山

明

正德六年流賊劉六劉七等寇山東破鄒城當道檄登州指揮戚景通來鄒防守至則登陴誓眾嚴守備嘗輕騎巡鄉猝遇賊奮力擊殺走之城賴以完景通當六月過戰所腐屍枕藉眾皆掩鼻不欲近景通曰偉哉國士名與骨俱香吾誠得與同遊九原無憾矣乃病之耶其忠勇如此

按景通登州衛籍其子即戚少保也

萬曆年間有豐縣高姓者宵行草澤中遇妖狐授以符法齋持七日則

聞有吳香滿室鉅野人徐鴻儒蘭陵人沈智宿州人張東白內衛人陳邦秦鄒之故縣村人侯五皆得其術布散惑人號聞香教實即白蓮教之異名也其術能使人見金山銀山米山麵山油泉酒井謂有皈依者可終身不貧愚民皆爭先歸之萬曆辛亥知縣胡繼先捕侯五以妖妄擬罪哀祈悔過乃啖以酒肉釋去妖黨稍戢者數載後守土不復為意相延十餘禩而羽翼成矣天啟二年五月徐鴻儒等劫鄆據似家樓以叛都司廖棟剿之不克沈智襲滕張東白侯五亦因而襲鄆時五月十七日之雨夜也自是據城內人皆其黨有良民不從者謂之魔頭所至焚劫屠戮無噍類及二十四日北攻兗州府危甚幸都司楊國棟援鄆之兵適至遂止而援兗賊兵遁去六月國棟率兵南取鄆城堅不可急下而賊亦屢戰失利將約期出降矣聞徐鴻儒渡河東來乃中變徑出城拒官軍兵及方接鴻儒突出奇兵以攻兩翼官軍大潰退而守兗當

是時逆焰張甚由羊緒季寨直抵嶧山之陽連結數營與鄆犄角嗣巡撫趙彥親臨鄆縣分守道王從義分巡道徐從治天津道來特行海防道田一井同至監軍以勦賊每督兵攻城輒有外援功是以不集楊廖二都司乃率精銳千餘人暗襲各營所至披靡官生郭士奇率汶陽義兵奮勇先登本汛千總潘檟驅鄉兵繼之竟拔嶧山乘勝下界河復滕縣而據鄆之賊至是內無食外無援十月既望計窮出降凡七萬餘人而土著之氓不盈千大半無勇被脅者先是賊襲鄆鄆民避難走兗者兗人指為奸細殺而奪其所有以被害之區竟視為首亂之地冤矣幸知府孫朝肅蒞任始拘至公庭訊是非敢有竊殺者抵死全活甚衆崇禎元年鄆人劉恩賢費縣人宰士如僭稱皇極法主三陽教主王運等僭號總國元帥大名府人張明宇詐說祖師真法謂能騰駕雲霧以紅白絹布書皇極三陽號為符驗又用丹塗面黃布裹頭以便認識同心歆

盟期四月八日分兩路進攻兗州以內應未至不果初九日妖黨張四海等將三陽票號出首知縣黃應祥飛飭捕壯力擒張明宇劉思賢掌士如至皆依律正法又有宿州人劉守艾者江北巨寇也肆擄至章山等集後潛匿濟甯魯橋鎮陰謀作亂十二月縣令差捕巡緝至高村盤獲守艾亂乃弭

崇禎十三年鄒人楊三畏焦二青倚嶧山為巢穴聚眾萬餘馬千匹分五營四哨四出擄掠兗郡及泗水曲阜皆被其害賊負固東山官兵莫能捕屢撫屢叛十有餘年至順治八年總督張存仁巡撫夏玉統大軍會勦諸賊騎多遁去其步賊匿山穴官軍圍之賊糧盡出降督撫給以免死牌斬三畏二青餘黨悉平又有滕縣人王浚擁眾蒼山自號威鎮九山王與三畏遙應巡撫夏玉並斬之同時泰安賊史二有眾二千餘人為黨所殺遂擁姚三為首四月自泰安入鄒境擄掠莊村塘婦女向

鄒縣鄉土志

十

河南去為官軍擊散

同時有王小五者倡亂於費之漏明箇聚眾數萬四出焚掠鄒東密邇賊巢被害尤甚賊每欲大掠以西而魯原社之劉家樓實當賊衝有村人劉邦然者率眾堵禦使不得逞賊銜之順治二年王小五乘其不備率眾突至恣意擄掠邦然轉戰數里僅以身免遂赴兗鎮請兵復仇願助官軍攻賊巢鏖戰月餘生擒王小五餘黨悉滅

國朝

汶上流寇蔡乃慈等於順治二年就撫住滕縣之棗莊仍行劫殺居民擒其黨解濟甯道正法蔡逆逃回汶之玉圍老寨三年率其黨襲鄒詐稱官弁突入縣城執知縣莫儔支解之大掠邑民而去時有滕縣豪富張元石者遇妖僧洪和尚稱元石當奇貴遂謀逆以洪和尚為軍師書招蔡賊既至適沂州皮游戎率官軍至滕斃蔡逆等於黑龍潭測餘賊

瓦解而元石竟逸去

鄒縣多山與滕曲泗費相接壤其尤著者曰尼山曰嶧山尼之東曰顏母山魯府山嶧之東曰牙山葛山紅山普陽山平山小邱山連青山諸山之間距鄒東數十里曰點登山大山雲濛寺山辛莊山鳳凰山餘山縣亘六七十里巖岫杳冥教匪所窟穴也山中村落以數十計白蓮池為大亦曰白龍池故著稱焉匪以宋繼朋郭鳳崗李八李九為首繼朋故鄒東白龍池人為田黃社長能粗識文義誦經書符為人治病鄉人多信之自號文賢教郭鳳崗為教師李八李九為教友而八尤桀黠招致男女入會跪壇焚香學習妖術潛蓄逆謀實白蓮教也咸豐三年上憲檄郡縣辦鄉團繼朋等藉團市兵仗火器謀不軌附近州邑之從其教者多入山依處亦有遠為外援者誘脅寢眾十年冬知縣林士琦率兵往勦不利巡撫飛章入告

上命僧忠親王統師討之十一年

三月 王督諸軍三路進勦斬級獲兵仗無算匪稍挫跪道左乞降時曹州會匪方熾 王慮其糾結許之王既曰回軍匪眾出山川參而西於諸峯缺處築牆穴門設樓櫓且浚長濠詰之則以防檢防會為解未幾南捻大入東境匪亦合幅匪近萬四出焚掠間且薄鄒城當是時雖經巡撫派兵進勦而教匪負隅抗拒功不時就至同治四年 僧郎由皖北移軍淄川遣副將何建鰲引步軍趨鄒適總兵陳國瑞副將郭寶昌亦引淮軍由滕縣進勦屢戰皆捷遂入鳳凰山外圩各軍望炊聞柝翕闕相應而匪乃窮國瑞故淮部驍將一日冒雨率健兒數十人由若北懸崖上而劉莊辛莊棗園之賊業先後皆破匪無村寨可守退保於楊家峪東之平時山 僧親王拔淄川移軍鄒縣七月初五日軍至傅莊令諸軍乘勝會陳國瑞等進攻匪向西北山谷奪路奔諸軍分路截擊擒匪首郭鳳崗李八遂克小紅山賊匪南奔靈山猶分踞於岡山大

步頂者數日轟斬累萬山谷為赤宋繼朋死亂軍中其弟繼漢孫亭兒及匪首李化葶王存芳並鳳崗八皆寸磔白蓮教匪平咸豐十一年三月四月拾匪北竄縣境被擾八月十月又過境同治四年五月拾匪北竄復折而南縣境被擾六年平聖賢錄

周

孔子 按孔子生於昌平鄉是鄉在昌平山下為鄒東北境魯元社地即闕里志亦云昌平山在尼山之西五里史記孔子生魯昌平鄉即此今名魯元村孔子誕生之地斷在鄒境因變通條例敬謹誌於耆舊錄之前

孟子字子與亦字子車魯公族孟孫之後也世居於鄒故為鄒人

孟仲子孟子之從弟也其世系與孟子同

按趙岐志謂孟子從弟朱子同之又孟子世譜謂是孟子

鄒縣鄉土志

十二

之子序為二代嘗從公孫且學于文定府誌又謂孟子子名畢而世譜又以畢為三代不知何據

耆舊錄

事業

漢

龔 遂字少卿初為昌邑王郎中令宣帝立徵為水衡都尉詳漢書本傳

韋 賢字長孺孟之五世孫宣帝仕至丞相封扶陽侯詳見漢書

韋元成字少翁龔父爵元帝時復以明經歷位至丞相漢書有傳

韋 賞東海太守弘子也哀帝時賞以舊恩為大司馬車騎將軍列為

三公見漢書

關門慶忌以詩事魯申公官膠東內史以廉節稱

晉

唐 彬字儒宗舉孝廉補鄴令武帝時為益州監軍上平吳之策與王

濬共伐吳為衆軍前驅彬知孫皓將降未至建業二百里稱疾遲留以示不競後果有爭功者於是有識者莫不高彬見晉書

宋

徐 敦慷慨好義多所施與先是孟子廟遷置於邑之東郭地頗湫隘宣和三年縣令邵武朱岳嘆其土圯木摧不稱虔奉之意出俸議修敦曰廟瀕水亟壞不四十年五閔修葺矣若改卜於夷壇之地則諸生願任其役不以累公私也令善之敦遂出私錢二百萬徙廟於南門外之道左

元

李之英字允達沈敏寡言覃思明理宦學數千里受易書春秋於翰林學士吳澄以吳澄曹元用舉為總管高麗女真漢軍萬戶府儒學正瀋陽士庶莫不敬服連俗畏疫厲不相視疾有門生病甚家人去之之英

鄆縣鄉土志

十三

詣其室調護旬日而愈革薄從忠弊習為之一掃後舉進士授承事郎大寧路同知錦州事未往以疾卒於家年僅三十有六

李思讓號仲謙至元間由嘉興路吏貢補浙西按察司錄事上侍父母下撫兩弟每退食自公則閉戶讀書稽今攷古而教訓之後仕至憲官以廉介稱

許 允字信卿剛敏特達機警敢為弱冠為府掾以功陞平江路軍民都鎮撫沂人傳權府者病革以允為鄉人託以後事曰吾惟一子當襲我金符第年稚恐族人生心手探小篋付允曰此二篋金也將為異日費允受之不辭其子既長允出已財使其子襲職仍以原金遂之由行省掾補衡山尉一僕一騎而往邑多深山俗多盜允召耆老豪右於庭諭以義理國法衆懼服後任繁昌知縣

馬伯傑父思隆為浙西僉事伯傑居家侍母元末兵起負母避於鄆城

母卒寄殯鄆西越三年扶母櫬歸葬途遇盜伯傑哀告盜感其孝反遺衣糧得歸時父在浙不通音者八年伯傑間關數千里往迎父歸

明

孟承允字永孚孟子六十代孫邑所稱孟孝子者也性敦樸涉典籍尤熟通鑑是時亞聖墓在四基山者為水所衝噉庠甚承允祭於墓愴然曰先祖功被萬世慶流子孫吾儕所以優游盛時不與編戶同勞者秋毫皆祖賜也而忍令墓若此乎吾不能以資修誓以力修即止不去衆邀之歸不可蓋嘉靖丙寅清明日也山麓深寂絕糧者數矣日負土轉石不懈邑令章公植柏數千本於墓嘉其誠信屬為守護居三年柏皆鬱茂墓高大如邱焉復之馬鞍山廬其中興祖及父母墓又三年自是凡令鄆者有所表揚必以孟孝子為首

趙璧湖廣長沙府通判陞遼東都司自在州知州於嘉靖二十一年

奉旨入祠

杜忠訓字希德號西菴魯藩府儀賓性簡重生平無偽言偽行遇有窮乏及婚喪不能舉者傾囊以扶助之

劉登洲嘗為縣吏因侍母遂棄去母病目洲旦夕禱天因夢得奇方母服之漸愈遂以所夢方製藥濟人及母卒哀毀踰禮

韓養浩父賓患時疾甚危夜思肉羹村中無可乞者遂焚香告天自割肘肉一片煮羹以進父病遂愈

趙子意八歲失母繼母陳氏育之成立陳氏病且死哀毀骨立廬於墓側三年始返

趙宗魯魯鄆平王府儀賓母亦鉅野王女封鄆陽縣主魯至性純孝終身如赤子父歿含慟事母及母沒遂築廬墓左朝夕哭奠三年如一日邑令許公親式其廬曰求忠臣於孝子之門其何以教我對曰苦塊餘

生他無所知知有哀哀父母生我劬勞而已令感泣而去
吳希堯邑庠生幼失父善事後母母病臥不起牀二年堯朝夕侍側雖
溽暑冽寒未嘗稍倦母卒廬墓側晨昏負土以築六載屏絕家室哀慕
不衰萬曆三十八年有司以孝聞請上官勸結題請奉旨欽獎禮部尚
書周勛語云希堯早年失怙兢兢依母氏以成立未歲喪慈哀哀若嬰
兒之失恃廬結芥屋之旁應有雪兔為伴淚灑繭窩之側遙如墨鴉哀
鳴六秋之孝思彌深數載之拮据可憫允稱純孝不愧褒揚合照例旌
表

李春茂高村人布政司省祭善事繼母母病侍湯藥三月不解帶設義
學教鄉中子弟至今猶存子國柱孫維世培世俱庠生曾孫崇信壬子
明經皆文行著聲怕怕古道五世同居真義門也

孟東秀夏侯社人立行端方居躬仁義值寇亂保護鄉里全活甚衆又

設義學振興文教時稱布衣師表

盛東洋西莊人好義樂施每春時嘗自別墅輸粟於家有以窘乏告者
即分給之不責償所居瀕兩河每歲倡義挑濟獲其利者千餘家縣遭
妖賊倡亂有無辜受戮者洋據實剖晰於官保全甚衆善行種種歷任
縣令給匾旌之

段登岸邑庠生為人寬厚樂假貸力不能償者即焚其券早已兵亂城
門晝閉民乏食登岸出穀千餘石全活甚衆年七十餘士庶咸仰重之
屢奉院道旌其閭

孟承相字壇峰彭莊人嘉靖末以歲貢薦任深唐河間三學博士遷四
川保寧府通判調陝西署洮州有常例銀為鉅款承相革去之人曰不
計後來者怨乎曰吾知義而已無他慮也

張 洗貢生嘉靖年間藍田縣知縣據藍田縣志稱本官廉潔自持不